



Reykjavíkurborg  
Skóla- og frístundasvið

Reykjavík, 9. janúar 2019  
SFS2018120025  
2.8.0  
HG/ag

Ráðhús Reykjavíkur  
Borgarráð

***Efni: Samningur við Félag skólastjórnenda í Reykjavík***

Á fundi skóla- og frístundaráðs þann 8. janúar 2019 var lagt fram minnisblað sviðsstjóra skóla- og frístundasviðs, dags. 5. desember 2018, um samning skóla- og frístundasviðs og Félags skólastjórnenda í Reykjavík. Jafnframt lögð fram drög að samningi skóla- og frístundasviðs og Félags skólastjórnenda í Reykjavík.

Samningurinn við Félag skólastjórnenda í Reykjavík var samþykktur og vísað til borgarráðs. Samningnum er hér með vísað til borgarráðs.

Virðingarfyllt

Helgi Grímsson

sviðsstjóri skóla- og frístundasviðs

Hjálagt:  
Minnisblað, dags. 5 desember 2018  
Drög að samningi





Reykjavíkurborg  
Skóla- og frístundasvið

Reykjavík, 5. desember 2018  
SFS2018120025  
151. fundur  
HG/en

## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

### *Efni: Samningur skóla- og frístundasviðs og Félags skólastjórnenda í Reykjavík*

Meðfylgjandi eru drög að samningi skóla- og frístundasviðs og Félags skólastjórnenda í Reykjavík.

Markmið samningsins er að styrkja starf stjórnenda í grunnskólum við innleiðingu menntastefnu Reykjavíkur. Eins og fram kemur í samningnum er mikilvægt að skólastjórnendur séu framsæknir í störfum sínum, rýni eigin starfsaðferðir, vinni saman að sameiginlegum markmiðum og stjórn stöfnunum sínum með þeim hætti að starfs- og kennsluhættir ýti undir áhuga, ástríðu og árangur allra barna og unglunga. Í samningnum er m.a. tiltekið að félagið noti styrkinn m.a. til að vinna með borgaryfirvöldum að aukinni starfsþróun stjórnenda og kennara, vinna að jákvæðri ímynd starfs í grunnskólum Reykjavíkur og stuðla að aukinni vellíðan og sjálfsefningu stjórnenda og þróa leiðir til að draga úr veikindafjarvistum starfsfólks í grunnskólum.

Samkvæmt samningnum er gert ráð fyrir að skóla- og frístundasvið veiti Félagi skólastjórnenda í Reykjavík styrk að fjárhæð kr. 3.000.000 á ári í þrjú ár, þ.e. árin 2019, 2020 og 2021 til að vinna að framangreindum verkefnum.

Jafnframt er kveðið á um það að í lok hvers árs kynni félagið skóla- og frístundasviði stöðu verkefna í starfsáætlun sinni á og framvísi reikningum og skýrslu um helstu verkefni félagsins.

Samningsfjárhæð rúmast innan núverandi fjárheimilda sviðsins.



Skóla- og frístundasvið Reykjavíkurborgar, kt. 530269-7609 og Félag skólastjórnenda í Reykjavík kt. 591199-2189, í samningnum nefnt FSR, gera með sér svohljóðandi

## **SAMNING**

### **1. gr.**

#### **Markmið**

Markmið samnings þessa er að styrkja starf stjórnenda í grunnskólum Reykjavíkur á árunum 2019-2021 í tengslum við innleiðingu menntastefnu Reykjavíkur. Mikilvægt er að skólastjórnendur séu framsæknir í störfum sínum, rýni eigin starfsaðferðir, vinni saman að sameiginlegum markmiðum og stjórn stöfnunum sínum með þeim hætti að starfs- og kennsluhættir ýti undir áhuga, ástríðu og árangur allra barna og unglunga.

### **2. gr.**

#### **Samstarf**

Skóla- og frístundasvið Reykjavíkurborgar lítur á FSR sem mikilvæga samstarfsaðila. Félagið starfar í samræmi við ákvæði 1. gr. samnings þessa.

FSR skal leggja fram starfsáætlun komandi viðkomandi árs fyrir 1. mars 2019, 1. febrúar 2020 og 1. febrúar 2021 þar sem fram koma stefnumarkandi verkefni á árinu er varða þennan samning. Starfsáætlun viðkomandi árs skal borin undir skóla- og frístundaráð til samþykktar eigi síðar en 1. apríl 2019, 1. mars 2020 og 1. mars 2021. Í lok hvers árs á samningstímanum, eigi síðar en 15. desember ár hvert, skal félagið skila skóla- og frístundasviði ársskýrslu fyrir liðið ár.

### **3. gr.**

#### **Styrkur skóla- og frístundasviðs**

Skóla- og frístundasvið Reykjavíkurborgar styrkir FSR um samtals kr. 3.000.000,- ár hvert í þrjú ár. Að öllum skilyrðum samningsins uppfylltum skal greiðsla styrks fara fram með eftirfarandi hætti:

Þann 1. apríl ár hvert kr. 1.000.000,-

Þann 1. ágúst ár hvert kr. 1.000.000,-

Þann 20. desember ár hvert kr. 1.000.000,-

Greitt er inn á bankareikning FSR, reikningsnúmer 0137-26-009989.

#### 4. gr.

##### Verkefni FSR á grundvelli styrks

Styrkur skv. samningi þessum skal notaður til eftirfarandi verkefna:

1. Að efla og styðja starf grunnskóla m.a. með því að koma á sterkari tengslum innan borgarhluta, milli grunnskóla, leikskóla og frístundastarfs við innleiðingu menntastefnu Reykjavíkur.
2. Taka þátt í að þróa leiðir til að einfalda og styrkja starfshætti skóla varðandi menntun án aðgreiningar m.a. með því að samhæfa og efla starfsaðferðir skóla, sérkennslu og stuðning og vinna markvissar með skólaþjónustunni.
3. Stuðla að aukinni þátttöku stjórnenda og starfsfólks skóla í starfsþróun og símenntun, með sérstakri áherslu á aukna leiðtogahæfni skólastjórnenda. Einnig að skapa stjórnendum formlegan samstarfsvettvang þar sem miðlað er reynslu og þekkingu.
4. Vinna að jákvæðri ímynd starfs í grunnskólum Reykjavíkur.
5. Stuðla að aukinni vellíðan og sjálfseflingu stjórnenda í starfi sínu.
6. Vinna með mannauðsskrifstofu SFS ofl. að því að þróa leiðir til að draga úr veikindafjarvistum starfsfólks í grunnskólum.
7. Stuðla að markvissum samskiptum foreldra og skóla með því að vinna með kennurum og stjórnendum skóla að því að ramma betur af samskipti og samstarf kennara og foreldra/forráðamanna.
8. Taka þátt í stefnumótun Reykjavíkurborgar að því er varðar málefni grunnskólans þegar þess er óskað og koma sjónarmiðum grunnskólakennara á framfæri við borgaryfirvöld.
9. Taka þátt í einstökum verkefnum á vegum skóla- og frístundasviðs Reykjavíkurborgar.

Áður en greiðslur 1. janúar 2020 og 1. janúar 2021 eru inntar af hendi skal FSR kynna skóla- og frístundasviði stöðu verkefna í starfsáætlun sinni og framvísa reikningum og skýrslu um helstu verkefni félagsins á grundvelli 4. gr. samningsins.

#### 5. gr.

##### Gildistími og uppsögn samnings

Samningur þessi gildir frá 1. janúar 2019 til 31. desember 2021 og fellur þá úr gildi án sérstakrar uppsagnar. Gerður er fyrirvari af hálfu Reykjavíkurborgar um að fjárveitingar skóla- og frístundasviðs eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins. Gerður er fyrirvari af hálfu Reykjavíkurborgar um að styrkuppþæð hvers árs getur tekið breytingum vegna almennra hagræðingaraðgerða borgarráðs.

Samningurinn er uppsegjanlegur af hálfu beggja samningsaðila með þriggja mánaða fyrirvara og miðast uppsögn við mánaðamót.

## 6. gr.

### Reglur, vanefndir, varnarþing o.fl

Um samning þennan fer eftir reglum Reykjavíkurborgar um styrki, sjá viðauka I við samning þennan og skal geta þess í kynningarefni FSR að félagið njóti styrks frá Reykjavíkurborg.

Skv. reglum Reykjavíkurborgar um styrki skulu þeir, sem njóta styrkja frá Reykjavíkurborg, skila kyngreindum gögnum um þá, sem eftir atvikum veita eða njóta tiltekinnar þjónustu eða gæða vegna styrkveitingarinnar. Sérstaklega skal greint frá því hvaða áhrif styrkurinn hefur á stöðu jaðarsettra hópa fólks, sbr. mannréttindastefna Reykjavíkur. Greinargerðinni skal skilað á sérstöku eyðublaði <http://www.reykjavik>.

Skv. mannréttindastefnu borgarinnar eru styrkir borgarinnar bundnir því skilyrði að unnið sé gegn mismunun og að jafnrétti. Mannréttindaráð Reykjavíkurborgar getur krafist viðtakanda styrks um greinargerð um ráðstöfun hans til að fylgjast með því að hann sé nýttur á jafnréttisgrundvelli.

Komi í ljós að skóla- og frístundasvið hefur ofgreitt styrkfjárhæð af einhverjum ástæðum, t.d. vegna rangra upplýsinga eða mistaka mun skóla- og frístundasvið lækka styrkfjárhæð til skólans við næstu greiðslu sem því nemur eða krefjast endurgreiðslu.

Verði um varnefndir að ræða á skyldum annars hvors samningsaðila skv. samningi þessum er gagnaðila heimilt að rifta samningnum, þ.m.t. afturkalla styrkloforð og/eða krefjast endurgreiðslu. Áður en til riftunnar kemur skal samningsaðili þó hafa skorað á gagnaðila að bæta úr vanefndinni innan hæfilegs frests.

Rísi ágreiningur um efni og/eða túlkun samningsins skal reka ágreiningsmál fyrir héraðsdómi Reykjavíkur.

Af samningi þessum eru gerð tvö samhljóða frumrit, sitt handa hvorum aðila.

Reykjavík, 2019

---

F.h. skóla- og frístundasviðs

---

F.h. Félags skólastjórnenda í Reykjavík

Viðauki I

Reglur Reykjavíkurborgar um styrki